



Inatsisartunut ilaasortat

### UPA 2015/113 pillugu oqallinnermi apeqqtunut akissutit

Napparsimasut aamminnik akuluiartittartut ullumikkut Qallunaat Nunaanniittariaqartut pitsaanerpaamik atugassaqartinneqarnissaat pillugu pitsaasumik oqallinneq qujasutigaara.

Tamatuma saniatigut oqallinnermi apeqqtigineqartut marluk, aamminnik akuluiartittari-allit nunatsinnut feeriarsinnaanissaannut kiisalu Dronning Ingridip Napparsimmavissuani aammik akuluiaasarfimmik immikkoortortamik pilersitsinissamut napparsimasut sisamaannaat pisariaqartsinneqarnerannik siusinnerusukku akissuteqarsimanerarneqarnermut tunngasut akissuteqarfigerusuppakka.

Qallunaat Nunaanniittoq aamminnik akuluiartittartuq Kalaallit Nunaanni feeriarpoq. Napparsimasut allat aamminnik akuluiartittartut Kalaallit Nunaannut feeriarsinnaapput angerlarsimaffimmili aammik akuluiaanermt sungiusarsimanissaat aammalu immikkut ilisimasalinnut qanittumiinnginnerup kingunerisinnaasaasa piareersimaffiginissaat pi-umasaqaataavoq. Tamatuma saniatigut tunngaviusumik peqqissaasumit aammik akuluiaanermik immikkut ilinniagalimmik ingiallorneqassapput, taamatuttaaq Qallunaat Nunaanni immikkoortortamit sullissiviusumit qarasaasiakku ikorfartorneqarsinnaaneq periarfissitaqariaqarpoq.

Napparsimasut aamminnik akuluiartittartut maannakku piomasagaataalersutut arfineq pingasuunatik ikinnerpaamik sisamaniit arfinilliuppata aamminnik akuluiartittarfimmik pilersitsisoqarsinnaanerannik 2010-mi allaaserisaqarsimanerput ilumoorpoq. Ineriar-torneq immikkullu ilisimasaqarfii atortorissaarutillu immikkut ittut amerliartuinnarnerat ilutigalugu ilinniagaqassutsikkut piomasagaatit qaffakkaluttuinnarput. Piomasagaatit qaf-fasissut napparsimasut pitsaanerpaamik sullinneqarnissaannik taamaalillutillu sivisune-rusumik uumasinnaanerannik qulakkeerisuummata tamanna tunngaviusumik qujanar-poq. Ajoraluartumilli napparsimasut nakorsartittussat amerlassusissaannut innersuutigi-neqartup qaffannerannik tamanna aamma kinguneqarpoq.

Inussiarnersumik inuulluaqqusillunga

Martha Lund Olsen

27. maj 2015  
Suliap nr. 2015-112115  
All. Nr. 1975418

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@nanoq.gl  
www.nanoq.gl